

GARIS PANDUAN
PENGECUALIAN DUTI IMPORT DAN DUTI EKSAIS KE ATAS
KENDERAAN BAGI PEGAWAI TAMAT BERKHIDMAT DI LUAR NEGARA

Pengenalan

Kakitangan Kerajaan dan Badan Berkanun yang tamat berkhidmat di luar negara layak mendapat pengecualian 50% duti import dan duti eksais ke atas kenderaan persendirian yang dibawa balik dari luar negara.

(1) Kriteria Kelayakan

- (i) Pemohon mestilah telah berkhidmat tidak kurang dari satu (1) tahun di luar negara;
- (ii) Kenderaan yang hendak diimport telah didaftarkan atas nama pemohon tempat ia bertugas di luar negara dalam tempoh tidak kurang dari enam (6) bulan dari tarikh bertukar balik ke Malaysia;
- (iii) Pengecualian 50% duti import dan duti eksais hanya diberi kepada pegawai/kakitangan yang bertukar balik ke Malaysia dan bukannya bertukar ke negara lain; dan
- (iv) Bagi pemohon yang ditukarkan secara *cross-posting* ke negara lain tetapi tidak boleh membawa masuk kenderaan ke negara tersebut atas sebab-sebab tertentu, dibenarkan memohon pengecualian di atas dengan syarat apabila bertukar balik ke Malaysia kelak tiada pengecualian cukai diberikan.

(2) Dokumen-Dokumen Sokongan Yang Diperlu Disertakan

- (i) Salinan perlantikan sebagai duta/Salinan surat arahan bertugas ke luar negara
- (ii) Salinan surat arahan pertukaran pulang ke tanah air
- (iii) Salinan geran kenderaan
- (iv) Salinan kad pendaftaran kenderaan di luar negara termasuk terjemahan yang diakui sah jika tidak tertulis dalam Bahasa Malaysia atau Bahasa Inggeris
- (v) Salinan Permit Import (AP)
- (vi) Salinan lesen memandu (muka depan dan belakang)
- (vii) Salinan kad pengenalan (muka depan dan belakang)
- (viii) Salinan passport yang lengkap termasuk mengandungi cop Jabatan Imigresen ketika pemohon berangkat ke luar negara dan pulang ke tanah air
- (ix) Surat permohonan daripada Ketua Jabatan